

知
足
齋
詩
集

知足齋詩集卷第七

甲辰至己酉

大興 朱珪 石君

錢武肅王鐵券詞

扈

鑾入杭禮咸秩薦香分

命祠錢王湧金門外表忠觀鼻孫喜見老侍郎

裔孫少宗伯載

陪祀導我諦觀古鐵券形模拱壁敲鏗鏘乾寧四年賜吳

越銘功赦死傳無疆有唐末造比周赧華離星野爭角

芒龍蟠天目異人出石鏡旒冕搖晶光羅平妖鳥一矢

殪海壘鯨鯢千弩僵閉門聊紀實正號問鼎不效朱李

張臣恭君恕善詞令保世到俶民無殃歐史蘇碑著忠
孝長沙河西堪頡頏千年片鐵亦何有渭水出沒更滄
桑洪武班封取券式胡藍獄起良弓傷到今獨此邀
聖鑒詞雄盤鼎高禹湯摩挲舊器苦才薄尚想錦樹歌
甘棠

岳忠武王墓

鄂王宰樹照明湖化鶴啼鵑氣鬱紆半壁江山春錦繡
二陵風雨夜模糊廟謨只解爭臣姪詔獄何須辨有無
鑄鐵難銷丞相錯人心天日豈欺吾

于忠肅公墓

嗟公智勇名世希手扶傾柱支天圍見怪不怪怪自敗
喪君有君君必歸郿王貪伎竟無後有貞險躁爭發機
猷犬前驅叔武射外虵內鬪原繁唏功名撼山冤咽海
劍首一映何是非我來再拜奠椒酒湖山萬古唳令威
聖駕六巡江浙恭紀

七言古詩一百韻

乾隆四十九年春

詔下江浙

帝六巡觀河奠海兩大政法

聖祖法勤兆民午門夙候

芝鳳發辰旂初

駐涿鹿轡四蕃匡衛飲拒馬

六御引翼從振麟紫淵沙渟趙北淀紅杏文映河閒彬
北畿千里

賜復早東山二月迎

鑾新靈巖靈兆地肺奧長清長卜

天符信

叶

岱雲望秩籲膚寸泉林洞酌觀岳淪遂諏仲

丁

詣闕里釋奠

孔子虔

躬親九拜

升堂絳龍卷大昕徵鼓鳴敵籟旃摩宰樹楷檜紐禮格
觀堵洙泗斷

道隆合節揆

先聖行濬辟廳聆於論問官底事就鄉國注經猶許稱
鄭神周爰齊魯生嘽嘽

省方吳楚耕畇畇龍泉不數拔山力虹橋長鎮駱馬齋
昂星飛精河刻玉支祁靜鎖川吐蠙

象瑜迤邐達黃岸鷁舸沛艾來淮濱水誌分寸定壬午
陶莊疏引記丙申厥有成績伏秋汛用答

嘉佑馮夷禋瀉鹵牢盆開廣斥高原禾麥滋埴堦王孫

磯邊漁滿鰓太傅隄外湖多葦邗溝中春花事蔓平山
萬樹梅笑听五臺北來逕香阜九龍南

蹕臨高旻凌江快擊木蘭楫浮玉晴浴扶桑輪中流半
酣涉焦固絕頂一覽空蒜銀品題中冷第一水

指麾組練三千鈞潤常風物遞圖畫練涌演漾無纖塵
達節尙題季子碣艤舟且訪東坡留名泉汲惠園怡暢
聽松補

錫僧知峻竭來東南大都會喜動士女摩衫巾通門十
六轅間葑巍峯八九排吳岷石鼓嗟峨

葩瑤盪玉蘂照曜魃文彪梅梁金鼎五潢氣支硯寒山

千尺靄天半萬笏翠摺斑華巖億个青浮筠哇脰杭傾
正蘆蕭池苑魚藻娛頒莘嘉禾錯壤秋再熟煙雨極目
春無垠三眠比屋收蠶繭十畝接葉啼鴝鵒石門左遶
海已竝金隄北築工初竣時當月望交壯夫潮來日午
聲雷震江行噫咽激而上海勢汗漫難爲堙壘爭龜窟
怒馬岸刷寧紹挾兩甄迤北平沙防墊隘其前列障
多嶙峋

疇咨獨斷有成竹

遠猶奚啻勞屬薪鳩僦自可鑿山骨鹽倉已見撻魚鱗
差池漸受要坦水峭削壁立寒齒屑近柴遠石中實土

根深本固無裂負跋履下壩審地防默祈

上緯旋天鈞四千丈更接范埭五百萬豈惜帑緡吳儂
安居樂井井

聖謨播告言諄諄錢塘漫誇强弩射

禹載到處天吳馴湖山窈窕迓

臨幸淡濃晴雨宜笑顰大觀七寶俯寶月榮鏡明聖啟
聖因六橋紅灼錦障豔萬頃綠淨春波皺靈隱竅石自
琴筑雲棲逕竹尤輪囷南北高峯插牛斗上下中竺驂
鸞震

觀濤望江湖三折

閩武撤漩練七閩摻舟慣捷願爲鸛善泗齊汨手不龜
非惟吳歛風足採亦有甌粵詩能陳祝

釐億萬壽

天子福耆百四星老人

賞吟勝景數倍十攀援

華葢未及旬塘樓一夜足靈雨蓑笠徧野同耕耨維暮
之春閏月吉自蘇旋

駕山塘遵再棹新豐泊京口將

幸建業由江濬攝山直上最高處下睇江國盤蝸蟻燕
磯平臨三面峻一晒天塹非險磧鯨鰲好戛報恩塔龍

蟠還奠前王
窀牛首倒影雙闕
屹石城右顧於菟蹲
瞥眼六朝割疆場
不見三箭畱城闔

帝車所指會有極
安南使者告至麋遠荒慕

德解蹈舞廣奏

錫宴隨冠紳棲霞重登寶華
挾龍潭送喜掣電駢

古稀萬歲川至始元孫五世
螽斯振歡臚中外得未有
福賅今古誰能倫金山畱宿
風靜鐸揚州盈月光鋪茵
高堰增庠石旣蟄天然引水
濬勿湮下安淮甸輦高寶
上治徐野滙豫秦荆山橋通
微獨導汶龍口醴南北勻
伊昨灑澹憑

睿畫卽今櫬楫塵

周詢經過甫白長歌地輻湊水陸平原津蠲供減賦徧
五省資幣

賜級

恩諸臣文瀾宗滙閣分建江浙東西才可掄千篇奏

御官甲等羣老祝

嘏數亥身弟子增員整衿佩軍士挾纊驩饒錚肆赦流
就滌瑕眚

加惠商竈均富貧

恩施稠疊

大號渙頌禱游豫

皇來頻習祥更企

時巡五誌盛肇舉重光辛

載歌六疊詩萬首盡發乾祕攄坤珍

神謨

天闡示孫子

帝典

手著欽臣鄰金川洗兵馘小醜伊犁振槁獲大磨收拔
遼山回部闢辨北極石河源真機宜神速妙剛決事有
持久非需屯爲民興建期必世乘時利用無淹辰

無私覆載咸在宥

教儉風俗還醲淳八絃恢恢

綱獨握

萬幾日日光嚮晨歸格

臨軒策多士卜

郊方澤嚴

齋宸

明理權衡在心鏡敬

天對越惟恭寅日雨日暘至誠感四和四極於穆納臣

初扈從職記注今拜

恩擢書

絲綸祇憑槃燭規兩曜不差葵藿睎大椿謹以見聞紀
聖政

皇哉廣運歌

堯仁

皇上肇建辟雍釋奠講學禮成恭紀雅詩八章章十六

句
謹序

皇上智臨天下

燾育仁壽

制作明備

教思无窮乾隆五十年辟雍工成

御制國學新建園水碑記

揭宣精義二月上丁釋奠

先師遂

臨其地講學皇哉邁古之

盛典也

臣

謹案辟雍之制權輿周文義取明和鄭康成

以爲諸在辟雍中者感於中和之至也壅水示圓
卽靈沼也及武王建之鎬京遂爲天子之學然說
經者不一莊周言文王有辟雍之樂古者以樂教
胄子則樂卽所以教也以其有臺囿池沼則以爲

在西郊然西郊虞庠也以其與清廟太廟明堂太學異名而同事則蔡邕以爲其實一也以其行饗射養老於中則朱子以爲雍如振鷺之西雝卽澤宮也然天子之學小學在外大學居內則以爲與成均竝建於一邱之上也故堂方法坤屋圓效乾方徑則九六之數闔宮戶牖象卦辰之變通天屋高黃鍾之實也環水四周海流之富也漢兒寬稱武帝祖立明堂辟雍河閒獻王獻雅樂對三雍宮然考武帝所立者公玉帶之昆侖非太學也至劉向因韃爲郡得古磬說成帝興辟雍設庠序其時

案行長安城南營表未作光武中興乃營立明堂
辟雍顯宗躬行其禮史參園橋之衆者也然班固
禮樂志以爲威儀旣盛美矣而庠序尙未設翟酺
言明帝時辟雍始成欲毀太學太尉趙熹以爲宜
兼存之則是辟雍與學爲二徇其名而無其實也
唐歸崇敬言晉武帝臨辟雍行鄉飲酒禮別立國
子學以殊士庶今辟雍獨闕請以國子監爲辟雍
省當時憚於改作迄未施行宋崇寧元年卽城南
門外營外學爲辟雍乃在上舍內舍之亞然則自
兩漢洎晉唐宋議制紛囋舉典疎闊皆不合於明

倫之實大雅之誼元至元丁亥始立國子學於北城之東而辟雍未建訖五百年於茲曠如也

皇上稽古揆時濬源規地遠乎自周以來越三千年而辟雍與太學復合爲一豈不偉哉且夫文武功德福祚教養之純樸而懿備未有盛於

今日者也

聖學緝熙光明四庫之全編入

乙覽所在分建七閣則書在上庠韓詩說所謂立明堂於中五經之文所藏處者不足言也

聖武天授再平金川闢地西北二萬里告成之碑四建

於學則記所謂以訊馘告者不足多也

古稀天子

五代一堂則詩所謂貽厥孫謀以燕翼子者無以加也
今年上春

特舉千叟宴於

乾清宮

大賚耆耄三千人外及朝鮮之使則禮所稱四代養國
老庶老之制隘矣至於尊三兄五卮言日出何啻
於成均東序之旨哉辭而闢之廓如也臣又按記
云學之爲父子焉學之爲君臣焉

皇上以身教天下純敬安止立人倫之極歲省日新
至誠無息

體天行之健大學之至善大易之乾元惟我
皇上躬行而心得故發爲

御論深切精微羣臣士庶至於海表陪隸傾下風而翕
然譁懌所謂自西自東自南自北無思不服者惟
天子身度聲律故心悅誠服之至也臣受

恩禁近仰望

穆光榮幸抃躍不能形容

德業之萬一竊作雅詩八章章十六句附於永言蹈舞

之末拜手稽首以

獻其詩曰

帝德純矣承

天牖民

成教悠久作

師作

君禮理樂樂昭明和訢五帝之學厥惟成均命夔以來
道在周文亶亶穆穆不已其勤雅有辟雍靈沼齋齋曠
典千載待我

聖人一章

聖人揆聖蹈孔憲周五謁

闕里泗洙交流將將國學庭空樹樛元造明因五百春秋淵泉弗濬曷鏡曷游乃

命鳩工圜壁肇修緇井用甃勿慕其收石梁四達奚事造舟

二章

鬻沸園水中爲辟宮闢門十二環洲玲瓏經始癸春告成甲冬乾規坤架日星沖融

帝抒大文稽古折衷匪龔收昇升繪火龍久速時措節儉道崇三五袒割鯁彼榮躬

三章

元日

詔下

恩覃九有宴老

內朝三千其叟中春丁亥辰在卯口

帝駕蒼龍鼓徵鍾扣

升堂合樂

釋奠用卣舞詠蹕調球絲穆助登俎馨薌祝帛燎標

德盛禮恭尊

師尚友

四章

乃

臨辟雍鏡光雪瑩

帝發德音圓橋觀聽人倫之孚慈仁孝敬匪循其名精
義希聖惟

聖法

天圖輪無竟

緝熙在心

宵旰在政一日萬年以篤

天命桴鼓之聲海隅敬應

五章

帝敷文教天人大觀

御製四集雲章萬番

文淵源津溯滙宗瀾北極星石辨黃河源學校之廣熱

河玉關卽今國學前稽至元辟雍之興越五百年光於
豐鎬觀此灣環

六章

帝成大功

允文

允武止戈井絡金川采阻犁庭伊犁降汗曳組遂下城
郭日入之部和闐崑崙歸我版土

再平蜀徼掃蕩伏莽

告成於學宮碑列廡微斯岐陽魚貫十鼓

七章

天佑

皇帝壽祺康強健行不息

古稀方將既受

純嘏繩繩有常本支千億

燕貽一堂璧潤比德澤流孔長君臣父子之紀之綱
教育天下和雍明光

皇帝曼壽與

天無疆

八章

恭和

御製兩江總督薩載等奏漕運事宜詩以誌事元韻
瀦水與蕩水利在防與濬頻年治河策巨萬用豈吝費
黃而分汶每苦建瓴迅石牯槌高下斗門誌退進排沙

兼蓄漚郵籤斯可問禹功有陂障溝洫力所盡桃花未
大漲雲帆罕遄運守土算則迂匪豫乃坐困

聖心勤周諏截漕嗤目論鷁首千舳艫尺寸行堪悶

申命悚疆臣天時會人願建牓前工稽督漕今力奮及
茲數篙霖漸覺地防順銜尾入津潞灌河秋可趁久速
有機宜凡百欽

帝訓

閏七月六日泛舟白溝河卽事東臥禪

遵陸序賓鴻聯軫發涿鹿秋閏暑未闌夙午戒寒燠避
潭得扁舟眇然風浪蹙琉璃溯空明津尾通析木白溝

昔設塹南北限疆幅魚鹽所化居黍稷可兼熟撫景良
亦佳幽興寄濠濮延緣百里近雨氣助洄瀆頗疑八月
查咫尺問星宿黃昏涉泥塗跋蹙惱僮僕卽境有夷險
何以寧吾獨今朝喜爽霽又泛趙北澳欲誇仙侶移岑
杜暫追逐於岸筏須捨此意參白足

恩縣道中

昨午德州雨泥淖苦躑躅今辰恩縣晴清風蕩原陸旣
厭餅餌香復欣粱黍熟齊民脫飢瘵童稚亦果腹念昔
溝中燐變化等蛾蠋若敖詎不餒徐甲誰爲肉歲行有
盈虛人事須節蓄呼奴勿過饗仁者惜其福

荏平二首

行行荏平南近有馬周宅伊人昔沈酣奇氣鬱火色一朝邁風雲獻納蒙採擇洛陽有少年厝火虛前席貞觀方懸鐘待叩鐸林射鳳鳴王魏閒高步邁天策格心亦有道主聖臣易直誰云嬰龍鱗違弼戒禹益

我聞荏平東魯連亦有村其人何磊落氣欲東海吞連狝嗜田巴烹醢解平原暴秦竟西卻無忌軍乃振笑談辭萬鎰酈陸何足論當時重游士清濁並一源青雲倘可附由賜或比肩明朝走柯邑尚想曹將軍

論管仲

子糾襄公弟管召亦等儔私交異委質詎足分黨讐聖
人重死節何以輕瀆溝荀息有君命蹈信誰能尤取義
貴其精殺身亦有由仲也智及此不恥事射鉤偉哉功
業成九合匡東周季子勇或過燔臺豈善謀贖倘不良
死此蠻胡可求所以在論世折衷師春秋

自東平至汶上作

東平介濟充右顧通大梁舟車扼津要雉堞雄金湯汶
水西合濟昔劃齊魯疆戴村壩旣築遏汶西南行我渡
汶上北清流匯濼當濼紆注南旺地脊絙中央四分挹
徐沛六分達衛漳漕轉江淮粟遂罷遼海航白英獻奇

策宋公手決障人巧協天運利賴久益彰前年扈

鳳舸受

命躬薦香堂上拜尚書老人謁其旁步臨石龍口俯辨
流分滂乃知不朽績周咨非一方誰歟經大猷萬福來
宣房

謁 亞聖廟二首

九龍延岱嶽白馬滙西流道統傳堯舜心源合魯鄒魚
熊兼則舍雞犬放誰求獨養浩然氣千春復萬秋

秉彝天性揭班祿地形存

考今地所在則魯初封方百里後爲方百里者五孟子說

是也芻豢期先得詩書妙尚論原泉逢繙井喬木自蟠根

祀廡羣賢列還應綴趙孫兩廡諸弟子外附韓氏愈孔氏道輔錢氏唐而無趙岐孫

過滕縣

艾獵分九地井牧乃其二子與正經界亦惟見大意齊
梁多沃衍滕縣亦廣易自可修徑畛尤宜濬溝遂秦人
開阡陌尚復求水利如何任天時旱澇空罪歲我行官
橋南蜚蝗驚生翅早禾幸已收晚稼猶未刈低回此疲
氓久厘

宵肝思翹首籲

穹蒼何以消偏沴

謁閔子祠

徐南宿北表阡新閔里騫山跡未堙

方輿紀要騫山在州北七十里以山

有閔子騫墓而名今墓南不數里曰閔賢里

三德由來尊孝行四賢尤樂是

和閭片言已破多藏惑婉諷能完介節純再拜祠堂緬

封樹何當遍宇祀斯人

碑文多以閔子魯人致疑者故云

讀張次仲跋阮泰元記于忠肅公諫易儲請復儲

三事

附錄原跋

仁和阮氏泰元讀于公旌功錄志感詩序云斯

錄在壬午夏

嘉靖元年

先祖檜屏公永訣時手授泰

元云予供事實錄獲睹諫易儲一疏憲宗簡及

爲之流涕又有請復儲二疏英宗未及簡發爲人臣者當以肅愍爲法

于公初謚肅愍

爾其志之云云

案阮氏所云三疏人鮮有知者公嘗拊膺歎曰一腔熱血灑於何地意惟易儲未慊於懷爾王弼州謂監國而卽眞而易儲情勢所必然此子房不能得之於漢高公安能得之於景帝哉弼州止以當日情勢原公之心未嘗見公之疏也今觀阮氏詩序始知有諫易儲請復儲三疏公眞無負於二帝矣獨恨阮氏不卽以三疏載公集後公絕口不言固不求知於天下後世天下

後世不可以不知公也海寧張次仲識

少保功烈在中葉手補天缺日再中有貞睚眦挾宿忌
原繁齒劒冤填胸世儒多口得公閒疑公首鼠如韓公

語用漢書

意指趙普再安社稷勲震主汾陽豈與山人同嬰鱗造

膝事茫昧論世未遽關污隆

竊謂公功在社稷卽不諫易儲亦無損于公阮

君闡幽意更厚三疏疊疊宜純忠嗚呼大賢信無閒碧

血一灑銀河紅昔編明紀未博考誌此逸事傳無窮

與珪

修明紀綱目時未見此今日宿花莊甚早檢篋鈔作

度清流關

清流之山何崔崔礪礪下上天塹開南唐割據此檻闕

周師闕虎方西來正陽已破紫金偏暉鳳卻走憑隄隄
奇兵突出蘆子吼斷橋城守嗟難哉真龍將興藉雷雨
鱗甲所向山爲摧古稱在德不在險四塞如此真穴阨
歐陽當代酣嘯咏欲訪戰跡猶難該到今千載更茫忽
石馳落馬誰研推秋霖泥淖苦攀陟絕頂廟个聊徘徊
下嶺豁張午景霽陰陽斗覺分胸膈琅琊豐樂近在眼
未暇一酌鸚鵡杯猶喜客館得高桂婆娑香發黃金醅
氤氲鼻觀心已醉清夢欲匝天九陔淮南八公在何所
招隱好徧凌江才

宿留臨江樓再疊前韻

澄江如練自穿空
彌望從來一髮窮
呼吸閭浮超劫表
轉輸元牝貫環中
鏡匳風細吹光白
炬火星繁撒點紅
客意未央流日夜
根因誰與證初終

題馬忠肅公君常像卷

漫向江南認化鵑
清風長激惠山泉
三生早印盤陀石
一室同歸兜率天
辰近汨羅追始劫
夢回信國著先鞭
神仙忠孝都無住
欲了根因悟大圓

皇帝在書房時用珪畱別詩韻疊兩首見寄依前韻答謝

秋初奉

使節北望睽

星旂身隨鴻鴈遠
渺渺江湖連坡陀去
鍾麓演迤稅浙川
經時梅解萼肇朔
雷隱淵喜雨渥越
野書雲感周年
十一月朔冬至是夜雨達旦竟日翹首仰

斗極樹羽環鮮扁倚馬玉咳就啟牘珠貫聯情悃寄鯉

素詞翰蔚鳳騫五穀德瑜佩百珀光膠煎

並賜寄琥珀朝珠玉玩器

十申言致珍重養性娛清便詎云道里隔獲此

恩私偏何以報嘉惠崇德方引延翠裘念袒褐鼎食思
飢餒三微定心氣至樂舒勞悃知幾不遠復星紀開天
躔又聞老氏寶慈儉不敢先磨彼浮雲淨保我心鏡圓

有如松柏性豈受藤蘿牽微忱獻負曝誦瞽效內弦何
當侍

書案拜手陳詩箋

寄壽漳浦蔡葛山師相八秩

純佑篤君夷純嘏歌僖公豈繫地產厚克享

天心同梁山濟世美霞海開鴻濛仙骨旣繩武

公令祖精養性

術之直道起亮工承華領四輔教胄宣八風

帝曰吾兄事啟沃咨元功飄然赤松歸呼吸

上界通珊珊鄴侯節養素方守虛八秩覽初揆伏火顏

如童觀河性豈皴願證明星東

富陽道中次黃左田韻

之江晴溯搖空蒼蔚藍倒影涵渺茫暗潮漸遠沙岸靜
碧玉簪蕤菱花妝山枝誰唱思公子鷗浴鯈翻亦如此
舟載老我七往還巖頂桐君青不死昨來拏棹錢唐東
鑑湖鄞江風景同釣臺七里最幽絕一重一掩探無窮
髭霜齒抗慚學道山鬼有靈顧我笑御風貫月更何人
如此江山竟空到連宵月出華滿江金波盪漾流珠降
眼酣心醉玩不得清夢不隔蓬萊窗同游初平真妙器
餐霞已識筌蹄棄然犀照水漫相矜靜鏡浮煙我何意
上灘邪許篙力柔下灘風勁箭射眸從流順逆各自努

一盞江水長油油

四月廿一日歲試淳安有東玉十五號卷招覆不到問之曰項菁死矣作詩弔之

炎雲溽雨蒸三江我來校士新安邦
春蠶食葉絲易盡空成素錦綢
文杠淳安項菁嗜學子筆有棱芒經義美
豈知一夜鳳穿腸語欲驚人身已死
嗟余赤海鯨珠搜老淚一迸雙青眸
逢人說項竟何益題名尚挂瓊瑤樓
新鬼有知應拍手曾被朱衣一領首
釣臺叫起老方干能賜孤魂及第否

諸君疊和張在蘆丁字韻詩見獵心喜輒擬四首

老荒可笑也

錄院句來未放扁腹慚空筭勸通經文奇難辨雲高甲
流別同收水合丁結習飛花從點衲多情舊雨喜名亭
金成河塞尋常事只有霜髭不重青

機張誰始發關扃龍劍從來百鍊經久合三陽名典午
詎誇一葉看蘆丁山雞交舞噉奩鏡天馬長鳴閱堠亭
莫漫商歌悲日晏然藜還有夜光青

仙璫迭奏下雲扃破睡驪珠眼未經躡步直教窮豎亥
射鈎誰肯讓孫丁憐余勞比牛旋磨羨客閒于鶴唳亭
羣雅鏗奇聆亦得雨聲恰滴萬峰青

紫鈴誰掣閣長扃孤負名山處處經來泛桐江輪正望
去迎蘭穀魄生丁齒搖自笑還丹藥性皺難參虛白亭
敢說登樓興不淺排雲猶擬挹空青

諸君競美不休疊此自嘲卽以解之亦以酒破醒
之意也

是處神仙洞府扃三生夢繞大還經齒牙脆脆愁魚乙
精力消磨愧鶴丁龍抱子珠原活活鳳依慈竹自亭亭
何當一了餐霞願照取蛾眉萬仞青

壯不如人學閉扃漆園曾說畏途經參空何補毛生甲
辯有從教尾着丁雲海平鋪低柱廩日輪初浴上雲亭

平生登覽之勝

大鈞攬勝真無界誰向迷濛悟始青

天葩春靄叩心扃杼柚爭工擅緯經友善四方聯甲乙
妃仇雙美敵壬丁時門不榮龍應解飯顆相嘲日正亭
根觸詩懷同見獵敢房聊試一莖青

兼旬校罷擬開扁槎泛鴻飛已慣經鏡鑄水心剛節午
杓旋天半欲移丁洗兵海晏三更渡露布星馳萬里亭
暫到金華尋石友相逢如許眼應青

三次丁字韻贈諸君

百斛龍文健筆扁才名遲爾佛名經躍魚自合歆文子
離雉猶堪格武丁博物張華鷁作賦受書黃霸鳳翩亭

琅霄咫尺看連步好挾天章拾紫青

座深一室若橫局相望昕宵各誦經李廣未封頻射甲
商瞿雖老卜添丁波羅葉白毘邪樹清淨懷鉛西蜀亭
萬紫千紅爭爛漫誰同杜阮論高青

虎頭莞爾客肱局一瓣南豐願執經夾漈胸能儲二酉
明根望可重春丁詩工不減城南句星聚還如歷下亭
老我江郎才易竭那堪傳示子衿青

底事輸攻墨守局懸河混混灌支經儻來名實非由己
過去年華豈復丁與汝遊兮塵垢外閱人多矣短長亭
雲樓虹闕渾無住依舊匡廬不改青

湖州試院次張在蘆飲桂花下韻

吳山南北天香多。竭來又到弁與何。輕拋香界坐方丈。
苦病彈指中秋過。曼陀諸天亦善幻。鬟雲深擁瑤階柯。
夢中神游或一到。絳帷香御睂層波。俯瞰坳堂五湖水。
懸潢下注傾彈窠。連朝新晴鼻觀異。庭樹欲破枯禪訶。
急呼羣英倒綠蟻。澆我千卷腸無他。奇文異香天共賞。
婆娑銀榜題斗科。張君作詩擬張署。高唱欲疊天無河。
愛才愛花吾何有。祇覺肝肺差醇和。小山攀援好招隱。
比年萬鳳鳴岡阿。一枝片玉何足道。加餐努力將軍頗。
和左田述懷次東坡九日登黃樓作韻卽以廣之

流光瞥眼誰能說對景高歌爲君發置君百尺元龍樓
愛君炙輠淳于滑月娥萬舞翻霓裳凌波豈獨遺羅襪
人生遇合會有時藍橋自可瓊漿呷不見庭前千朶花
壅土培根費畚鍤卽今雨意吐苞附已覺生機轉梢殺
名樓遲我咫尺登且擁禪關參淨刹苦將文字當糟醅
共賞奇葩晒茁軋明秋佇爾巨綸張連鰲不管神山壓
及時照酒花映顏吾衰吐哺牙先鬢陵梯去坐赤城霞
挂帆旋棹春江鳴得閒更願寫黃庭莫放雙丸如電雪
廉船將游中州次坡翁韻畱別和以送之

文章有神古所說豫章出地根初發將軍射虎臂可通

宜僚弄丸手背滑羨君食酒吞長鯨搔首秋風跣不襪
骨竒行見冀野空氣清早覺西江呬廉吏家傳艾獵薪
經菑園擁倪寬鍤文高北斗鬼能窮詩到青蓮人欲殺
三年閩嶠共穿巖九日駕湖負登剎壯懷忽作嵩少游
別腸不管車輪軋大梁幕府多名流健筆看君元白壓
臭味知同松柏心磨礪莫令干邪鑿鋏彈好歌柳貫魚
鯖饜難忘壺似鴨連科九射洞天閭排雲期子陽開霄
十月廿八日由黃巖至樂清取道雁宕山中紀所

過九首

輿轎首東甌假道闕北宥曉渡大荆溪已獲面勢創陵

緬虛斤竹熊魚失兼餉

此路不過斤竹嶺

西行入山幽峰峰鑿

天匠闢然老僧崖由旬不可量如何造化巧搏埴肖背
向喟焉思姽婁誰探無上上

竹徑何窸窣洞府藏崆峒俯穿綠雲入仰觀虹梁扛漏
天延虛白滲潤微琤淙三冬龍雷燠九夏跋烏降同游
盡先發宵默空足趫出梁暫盼睠玉筍遙映窗發軔勝
已絕獨攬誰能雙

石梁洞同人未游

陟磴百盤益峻嶺猶名謝靈山首懸車奚啻小白霸此
嶺司外鍵重局閼妖姦目成萬蛾眉心蕩藐姑射初聞
洞屋奇地肺通天罅努力試攀登中慄危上下彭鏗悔

鑒井退之欲泣畢喘噫躋其嶺鍊骨吁可化雷滴響沸
羹醒耳美回蔗出門雙玉峰憐我送且迂

行行飯招提餐霞已素飽客誇腰脚輕我嗟筋力老乘
軒豈胎仙芻豢迷瑤草散步鐵墉閒線天劃半杲鳴竈
叶黃鍾聲欬答鏗考淹畱意何如發興極壺島

靈巖更幽邃羣峰爭開張芙蓉展翠旗鸞鳳交翱翔憎
拜石佝僂叟聽詩鏗鏘奇觀姑舍是走矚龍身藏蜿蜒
青石蚪爪伏於菟僵鼻乳左右注呼吸通天漿噓爲五色
雲灑潤千里疆頗疑無極翁金汞鍊玉房憮然三歎息
我欲叩李莊

靈境只鳥道人力，劖天蹊捉生飛虎脊。
羈勒加馱驄嶽，寄馬鞍嶺直上不可梯。
詰屈鱗蛻虺齟齬，角食鼯橫且作闕。
牡左右羣峰低及下，如繙井仰視日轂西。
攀桂難久畱，觀霄愧醯雞。

傳聞雁峰池，百頃平如鏡。渟渟潮退壩，蝦蛤或潛泳。
泥丸萬仞巔，倒吸尾閭淨。遙通大小湫，散瀑垂天甕。
玉蜺飲銀河，醉舞珠霧迸。帝閭下晶簾，搖曳練悅靚。
奇蹤未必觀，翹首心怲怲。

經過憩蕭寺，我友亦已偕。流覽百斛釜，檀施皇祐開。
古蹟半淪沒，金地空蒿萊。四十九盤峻，百折旋螳蜩。
飛錫

羨白足放鹿慚青鞵夕陽出嵐翠遠映芙蓉街回首大士峯突兀高蓮臺

我非康樂癖亦遜知章狂採風遍甌閩過眼不復詳衡嶽瞰雲海岱頂升扶桑名山入肺腑魂夢猶清涼茲游喻過駟仰愧高鴻翔同行多傑彥奇險爭韻頽長歌匹南山尤畏千頃黃

鈴山曾孝廉佩蓮侯官鄭孝廉振圖詩俱佳當塗黃明經鉞用南山詩韻

更健那無見獵意刻鵠摹毫芒

讀張樞亭少詹遺集

輪囷空抱棟梁奇未朽文章尚陸離玉局除宵聯舊韻

予與開士同辛亥生巳丑年用東坡粲字韻詩唱和

草堂人日感新詩活人小試

荒年穀

君居鄉賑荒
活者無算

潔已翻成染氏絲孰謂斯心今可

得膏明桂直有餘悲

登孤嶼謁文卓二公詞

謝公本天人謫世猶跌踢寂寥守山海巖險能用壯涉
江北以南中流憩孤嶂勝跡到今存雙塔屹相向我游
登其西玲瓏環眺望嗟昔建炎年六龍此避亢宋終文
山來聚哭求匕鬯返日誓揮戈渴海空遺杖遯哉卓大
夫厝火謀熄燭築室竟難成九死甘不葬乾坤有真氣
鬱怒敵溟漲高名爭不朽奇節非小諒再拜去乘潮浩
歌行擊榜

石門

石門雙豁開幽敞通靈溪面削萬仞峯飛下垂天霓想
當霖雨足高挹懸河低冬晴尚如此夏浸天可稽淙淙
自太古鴻洞無端倪披雲謝客臥未辨東與西再拜犁
眉公龍躡此鰲棲譎奇二鬼篇醉噴金華羝漱瀑濯腸
胃吐氣儕徵珪卽境緬眞隱大小理亦齊翹首軒轅邱
足弱愁攀躋安得駕雲霍去掇芝田黃

石帆

仙人御天飈擲帆化爲石翮舒青鳳凰搖蕩洞溪碧我
行日已西願借風半席船紆久在望緋帟空翠壁參畢

升東山歲星光睠睠燈火照臨行沸耳灘聲迫長緼忽
中醫卻下逾射疾卽事有顛危戒心在咫尺不辨少微
峯登岸及深夕

溫州試院送門人游萼園旋閩

經年晨夕隙駒過孤嶼亭邊送客歌置邴遙知嬉老鳳
掃眉應不讓新蛾論文辛苦犀分水爲政丁寧虎渡河
若使湖山清興發六橋遲爾泛春波

行年五十有八精力漸不如前聰明日減於昔予
恐行已應物閒必有不能周詳而盡道者矣作此
自警並以廣同人時正月二日

憶昔方壯強願大無不可
睎人必魯鄒論文亦莊左
善歆蟻慕羶義蹈蛾赴火
一心叩鴻濛萬族求帖妥
同倫既陪敦異體無瘕癘
抱虛詎非誠力小竟難荷
荏苒景方馳侵尋勇已惰
筭荒愧暖姝楊冷斷嫫媿
目盲鳥跡奇口噤蟲注璫
汲漑井苦睂吹噓塵未簸
有觸等虛船不食非碩果
靜思躍冶金美競炙轂輶
大道何町畦兼忘孰人我
如溯江河流主張帆視柁
倘過石扁家豈擇句與櫓
及時各努力排雲上馭娑

題唐八繡遺照

并剪生裁孔翠尾文章陸離飛不起
唐君四十漁湖精

買絲誰繡無雙士西莊光祿合傳奇二鳥鳴叫人天悲
讀之未了淚交睫缺月暈蝕雙蛾眉嗟君才豐命尤齎
淪淵旋潭死不得七襄成錦衣阿誰玉膚冰裂空傾國
吳剛千戶頻揮手材木爭如不材壽夭高無心問不言
秋墳碧染殷珠斗

謁曹娥廟

殉孝人天動千秋氣尚生名同二湘水濤欲五員爭黃
絹重書石碑爲蔡卞重書青鳥久鍊貞墓在廟後月光身已江水
此長清

送黃左田秋試

黃君清于鶴可愛不可媒豈意天惠我翩然子肯來文
多豐健翮品潔無纖埃倚子左右手令我光華開我生
寡嗜好天性偏憐才念子三嘆息佮喬安在哉如何鸞
鳳響未上崑崙臺願言百珍重一舉凌九垓

驥成德更良柏長節愈堅子才美且都騰上會有天六
書窮根本三絕過鄭虔比年闢閭闔殊科禮高賢二途
必處一旦復調朱絃子行別我去秋水江澄鮮庭樹異
香發遠望增勞悃馳書報好語一笑東籬前

皇帝在書房時以珪蒙

恩調任吏部疊丙午秋送別詩韻寄賀謹次韻奉謝

星槎亘八月

鸞旌扈四旂朔南節候異相望精誠連烹魚得尺素纍
纍珠照川拜官愧叔則頌賢忝子淵敢去金背鏡寵比
貞觀年何當語鄒重令我心翩翩自惟馬齒鈍豈合效
右牽華文儷風雅崇德希淵鑒信如南金美已出洪鑪
煎熟精武庫富飽飫經笥便遊目覽天勝養性愜聖編
居高不遺遠源濬能引延列鼎詎不饜體物銘鬻饅從
心辨涇渭潤身善節宣晶光喻秋口陽氣升箕躔菊籬
感節久梅驛逢春先賓鴻遞來往不隔天穹圓瓜期笑
一握醴侑詩千篇日新在昕朔月土方初弦盟手麇高

唱攄忱托遙箋

喜黃左田得舉

紫氣龍身見有時果然牛斗望先知眞欣吉語聞張籍

翻感清音憶子期

左田得先見賞於先竹君兄

鸞路千篇曾獻賦鴻

都三體好書碑

左田尤長於六書

相逢握手巡簷笑贈爾先春

第一枝

張芑堂重撫石鼓文題辭

韓歌石鼓張手持千年又覲君家奇北撫十碣辨濟河
南校宋本親礪治籀文可讀三百廿蛟鼉斷斫皆闕疑
升庵完璧吾豈敢响嚶誰篆承帝辭作亭架覆石筍列

攝召魂魄鞭冰斯示我目眩舌更橋但覺元氣旋心脾
我游禹陵摩窆石不識科斗空嗟噫君思信宿臥其側
鳥翎蟲股求偏欹又言此刻願移置郡庠鄉校千秋垂
斯舉誠豪會有數知君好事公非私

題張芑堂墓廬圖

君家羊山陽親歸祿里麓薦松手灌培菟裘早卜築讀
書夜未央風雨助孺哭夢魂不出阡舉奠近饘鬻小別
無遠遊牽蘿卽空谷結廬意何云終老念鞠育東南葬
事迂在堂已易服僦然或久殯四方忘稅轂卜藏豈不
愼明發宜輶蹙斯人良獨厚旣葬猶躑躅我欲揭君圖

敬爲多士告

次韻湯賓鷺塗中感懷

慚愧君家犖确莊，
籬經負郭兩茫茫。
十年抱璞空餘泣，
百丈埋金尚有光。
肯以枯榮分臭味，
漫將冰炭置肝腸。
浣花入蜀那無興，
何似湖山近故鄉。

崔翔鴻遘欲何歸，
鏡水雲行宛可依。
四海友于誰割席，
萬花翩反不霑衣。
論文子細憑尊酒，
勸善丁寧愛晚暉。
我已知非師伯玉，
茱萸醉把莫相違。

新葺西湖小舟屬左田畫次韻題之

移移七里桐江碧，
挂向夷光鏡裏收。
我自虛舟浮夜半，

憑伊大力剪并州

子月校試衢州長至日移寓崔氏園用淵明移居
二首韻畱贈主人

浮槎上衢江假館詎安宅軍門托校藝信宿已九夕行
馬各有主守官從所役城西敞園居清曠宜煖席方塘
開源泉懷抱悟夙昔適當來復期天心此昭析

嘉園豈無名移居會有詩客來觀我園

卽以此三字名之

何必

獨樂之花香繞四阿去作十日思叢蘭雖未葩芳遠無
人時國香天乞與爲善意在茲如長日加益此語良非

欺

聞主人有商瞿之卜故及之

左田孝廉見和爲廣勸善之意有愜予心重疊二
首

卜居亦卜里近仁爲安宅湫隘與爽塏何必永昕夕人
生如逆旅勞形空役役地偏得心遠容衆寧割席雞鳴
起孳孳爲善師古昔願言同心人天道近可析

我園非我園來游復歌詩青霞暫在望江曲行泛之庶
幾觀我心雲水不可思顏氏不遠復灑灑中宵時齋祓
可用享明水方布茲遷善益之大聖訓先戒欺

謁

夫子家廟示孔氏諸生用前移居二首韻

建炎昔南轅闕里此分宅天輪轉陽光豈異景朝夕我
來拜遺像振衣屏騶役儼然五嶽真元官對几席楷木
二真
像猶畱傳周
時所雕也平生疑檀弓傳聞異在昔先師人倫至辨
譌茲更析

奠楹宗萬古過庭傳禮詩翩翩青衿子不學焉用之漢
傳逮唐疏宋義可研思收族葛根庇勤業蛾術時十室
有忠信六籍況在茲荒嬉竟無益吾敢童角欺

潤生以雨雪後涸魚復池喜而作詩次韻和之

三冬杲杲懸淙竭石罅拏舟如亂轍歸來池面坼龜文
剝有鯢鮪開鼃穴西湖清淺棹難周六井輻轡胥不渫

達官齋禱喜同心三竺雲根俄潤澈春前疊見麥膏酥
燈後欣看梅照雪池開活活源已通魚戲涓涓流未絕
信誓雖微神或監菜根能齧肉何切坐中佳客王子猷
對竹敲瓊吟官輟寸田共耨玉水肥富貴浮雲真瞬瞥
惠莊儵樂意須知歐蘇白戰功堪決相期爲善無近名
獨望長空自怡悅

潤生有立雪執經之請次韻答之

夜半垂簾三尺雪不問盧仝與張徹王生玉立真可人
獨嗅梅花色香絕六書早辨陳倉奇千金翻求敝帚刷
臣今老矣壯不如敢向王喬眴白蜺有如駑馬識前途

歷塊過都蹄漸缺療貧無藥衣有珠鑄人非冶針磨鐵
寸田作苦畬倍收尺水泉甘冽不竭春波綠漲春膏肥
山雪痕融雲影滅引商流徵君勿疑罷琴還就巴人列
二月五日小池復舊欣然有作

荒園有方池渟渟清可掬游魚雜鯉鯢唼喋藻蘆馥三
冬忽枯涸生意嗟慘黷開歲尋原泉日夜企來復春雪
旣融滋春雨頻霖霖魚兒逐隊上好風皺微皺昨宵耳
琤琮晨起趨茅屋盈盈周四阿湛湛環一曲以茲喻我
心消長牛山木君看園中華榮榮方膏沐

石門觀瀑歌次顧雪亭韻

軒轅鞭龍天關開

石門山上
有軒轅邱

玉妃萬手攀援來龍頭生

獬鬣血迸萬莖摧落誰能栽石門衙衙擘用壯晴空投
蛻白沆瀣天漿灌頂萬古流方諸噓氣雙輪望披雲謝
客未賦渠匡廬永嘉空依於何年靈閣忽開鑿翠眉老
子蠟屐紆洞天福地有如此螭龍應爲蒼生起白衣珊
骨黃石徒勲業千秋同逝水倚天長劒是耶非青田百
里杭稔肥虹交朝暎五色皎漲怒夏潦千弩飛浮生誰
辨餐霞料騎鶴還愁山鬼笑願將飛瀑洗塵場照見元
珠真微妙騰身汗漫足壯游直問靈源上上頭銀河倒
傾崑玉沸支機不向黃姑求我客虎頭發興足中夜豪

吟跋見燭王郎歌詩雙壁明潤生老我夢游五嶽但仰屋
安得排雲從所欲

題屠一擎乞食圖

淵明詠饑驅化釋說半偈屠生作新圖取解了不繫中
年走衣食寧免安邑累未田鶉胡生飲河鼠易悞霸子
與鴻妻相看兩游戲誰與餐霞人瓶鉢甘麤糲乞取分
刀圭超然脫屣敝

兕觥歸趙歌爲趙王槐作

耽耽白虎貪天樞勇者徒搏將虎鬚天棊不死貫索走
良朋贈慰鐫犀瑜延陵玉泣杯何有文羊庚庚照人手

何藏陳賡異傳聞丁戊朱章辨前後

朱作丁巳章作戊戌

般般魯

鼎孰賡眞不惟其器惟其人趙公有後追遠篤萬里抱
觥歸廟禋忠臣舊物雲仍保相公有母鉗蟲倒犀通漫
照大江深壁完直擬連城寶我初識翁猶妙年爲翁作
歌今華顛浮雲蒼狗一觥酒千秋忠孝長新鮮

題潤生茂林脩竹圖時歸應秋試卽以送行

山重嶺複雲周圍林深竹密風散霏誅茅有客經窮韋
黃庭百寫關籥扉來禽已熟鵝兒肥前身山陰心所希
清流激湍步石碕羨門何所丹可噉君家大江穿螭磯
九華雲海會盱眙問道何必尋茨騶呼喻元氣中宵歸

子能行之免賜饑初平戲墨羊毛毳圖中人是耶非
雞年猴月月望幾舟輕颿利不可饑登高送遠隔翠微
行行一發射五鰲拍手期子來天畿

貞女行

我聞太倉璜涇里王家有女初名珍四歲而孤世父鞠
之十三許嫁馮氏子策勳天欲顯奇節郎命弱不延變
彼十五女子欲往憑其棺母兄禁之素衣練裙自名曰
貞曰吾未亡人寂寥十三春慈母歸黃泉里人慕窈窕
阿兄受元纁貞女聞之欲匍匐歸馮門尺咫不可得夜
扃戶自絕魂飛上天衆來解活之八月不飲不殯曰速

卻某氏聘歸我屍於馮之阡郎有從兄偉人夢迎新入
其容莊儼覺而訃聞馮家有婢夜見女來剪其髮一髮
曰以此爲信婢摩首髮落賊泣上慄告言長幼惴惴色
死而聲吞某氏子來弔之重主空中掀非仇而讐兮汝
無嚇鳳鸞馮氏迎其主與郎合食告於几筵靈哉貞女
神騰赤霄頓若木之轡兮與姮娥齊年

十一阿哥成親王寵示天竺聖泉之作謹和元韻

水觀曾聞佛頂經誰將涓滴證圓靈一漚香海隨瓶鉢
千里頻伽閱埃亭鶯沸新新原不漏吉祥止止亦無停
天人爲說瀾翻偈吸盡元根避項冥

已酉暢月廿六日邀陳廉使東浦蔣光祿霽園孟
宗丞鷺洲小集鄂不草廬有作

載醪欣握手消雪暫圍爐中外三三品寒暄九九圖論
文慚杜李話舊保桑榆閒徑真多益良材世所須

丁年偕計客甫載重南宮莫憾登瀛迴

廉使丁卯名解
元庚辰出身時

以未館
遷爲惜今看觸石同經綸須體立消長信天公難慰蒼
黎望芻言恕鈍翁

鱖魚

大魚東海來豪家千錢鬻厥名鱖與鯉類辨品擅獨江
南致鱸新冀北惟薤鱖傳聞達魯河四眼鑿冰屋一孔

通檻泉利鈎中鱗肉非無跋扈強頭魚殷濁漉頰骨脆
玻璃腴膏充幡腹南烹誇上饌冬筍劑甘馥黃玉閒瑤
脂富餉必貴速豐詫肥牛臄饜勝五鼎餽鱸鰻彼何心
卽物感涼燠指動異召爭頤朶寒舍縮無爲長缺彈調
我鯢桓伏運溟搏化鯢穿山起飛鱉心妙三疊琴罍舞
四靈族狂談衍雕龍流沫髡炙轂

安肅菜

晚菰名從同厥種亦頗碎蔓菁變枳橘諸葛想遺愛箭
白與黃芽北產異南漑美哉安肅腴壤沃雨破塊豐本
苗叢苞盈車輦都閬嚼盡青蓮華淖出五濁穢濡以虎

形鹽甘節歲時耐真味水火宜不假珍鸞配坤理飫黃
庭天姿潤金肺齏寒及貧殮鮭冠充富資齋侑舉可三
鯖會食必再且放獐龍根試品煎鳳喙平生慕蔬食此
物庶津逮老我足禦冬取哂大嚼輩

鹿肉

樺嶺俯羣山惟鹿絕善走角搖銅牌鏗忽落射生手割
鮮旣膏薌擘脯尤腴厚更憐掉尾奇瓊漿血濡紺綠督
通河車灌腦釀天酒宜充金仙庖焉取紫駝剖我生儉
口腹異味嗜亦偶砂伏頰空丹河塞鬢詎黝緘口忍辱
翁歌利割能受呦然放空山芝華叫其友人羊兩相得

我師楞嚴首歸來食氣母麟鳳滿郊藪

乾隆五十四年十二月二十七日敬觀

御書大福字於

乾清宮蒙

賜臣珪恭紀二律

八旬聖主六旬臣香案初瞻灑翰眞世上福從

天上賜墨華光映

日華新

捧出自東陛下趨尚書房晨曦正照

捧來

講席濃涵露懸向寒齋暖動春傳與兒孫勤積善保將

晚節報

楓宸

昔曾分得五雲箋

甲辰乙巳兩蒙
賜福字

今日新承

帝座前

清問加齡花甲始

蒙問臣年
以新歲六十對

春開受福吉庚年

是月

二十日
立春

深濡墨寶

恩如海敷錫蒼生

聖有田仁壽鏡光

天咫尺自求夙夜更磨鑄

詠羊睛石印章應

十一阿哥成親王教

萬羊丞相料未終冤晴化碧雙暈紅研爛滿山鞭不起

仙人眼白當塗公會隨鈎松貢

神禹分寶恰入圖書府迴蟠螭鈕圭邸方摩挲欲詫波
斯賈翰林腹果大官羊暄冬窺牖移磚光瞥看奇物辦
不得慚無博物司空張或云雨工閼龍藏雷針電火殷
磨盪將鬚試噴驪淵珠驚痕恐逗秋河漲又疑玉羊華
嶽精渴飲玉井蓮花明咸陽大索鶻首醉尉陀牽入番
禹城卮言日出臧三耳不用雕剗壓繭紙敲詩挂角光
有無挾筴亡羊知免矣瞳瞳睽睽寒波泐鳳咮狼毫左
右得珍之莫與顧虎頭老梓千年將鬪特

知足齋詩集卷七終